

December 2018

وطننا
سنة

i ber ku em mektûmin, em herdem bi kêmbûnê pêhest dibin

Çîroka "Hesen Mistefa Ni'mê" ..
azarkêşiya bê dawîn



"Ji ber ku em mektûmin, em herdem bi kêmbûnê pêhest dibin"

Çîroka "Hesen Mistefa Ni'mê" .. azarkêşiya bê dawîn

Belovajî hemî hemwelatîyên Sûriyê yê ku xwedî nasnametî ne, hîn jî "Hesen" nikare ku derkeve ji dervî wî welatî, ji ber ku ew yek ji Kurdên Sûriyê yê bê nasnametî ye, herwiha dema ku di navbera parêzgehên Sûriyê de jî diçe û tê, ew tirsê dixwe, ji ber ku ti belgeyên fermî pê re tune ne, û bi tenê belgeyên pênasînê ne fermî di dest wî de heye.

Di sala 1962an de "Hesen Mistefa Ni'mê" li bajarê [Serê Kaniyê](#) jidayik bûye, bi jin e û heft zarokên wî jî hene, ku tevde ji Kurdên Sûriyê yê bê nasnametî ne, û bi taybet ji beşê "mektûman" e, wekî ku ji lêkolînerê ser erdê "gerok" li ba Sûriyên ji bo Rasteqînî û Dadmendiya re, di Avdara sala 2018an da zanîn û got:

"Ji dema ku temenê min tenê şeş meh bûn, bavê min çû ber dilovaniya Xwedê, û di dema pêkanîna serjimêriya awarte de, bavê min xwe tomar nekiribû, ji lewre ku em bûne mektûm, tev ku apê min wekî hemwelatî "xwedî nasnametî" hate tomar kirin, û ji sala 1988an û ta bi sala 1989an ve min hewl dida ku ez rewşa xwe a yasayî sererast bikim, herwiha min pelikên xwe bidest birin saziya nifûsê li Şama paytext, lê ew jî bê encam bû, û cara dawîn a ku min tê de hewl da ku ez vê rewşê biguhêrim di sala 2011an de bû, û bi taybet piştî derxistina [biryarê](#) dana nasnametiyê bo ejnebiyan, ku ez çûm saziya nifûsê û cem komîteya texmînkirina temenan li bajarê Hîsiçayê, lê min ti sûde nedît, çî ku karmendên nifûsê ji me re digotin, ku pelik tevde li parêzgeha Dêrazorê ji ber bûyeran hatin şewitandin".


Hesen ji tevahiya mafên xwe, wekî mafê xwendinê, yê hîlbijartinê, û yê arzîtiyê bêpar bû, û wî nikaribû ku ti malûmilkî ser navê xwe tomar bike, dêmek ew neçar dibû ku malûmilkên xwe bi navê apê xwe yê hemwelatî "xwedî nasnametiyê Sûriyê" tomar bike, û di barê astengiyên din yê ku diketin rîya wî de got:

"Bi rîya belgeyên pênasînê ez dikarim li deverên ku li jêr desthilata rêveberiya xweserîna biçim û bêm, lê eger ez bixwazim biçim Şamê, ezê rastî astengiyên bêm, û niha di gel belavbûna rêbendên leşkerî yê girêdayî rêjîma Sûriyê li tevahiya welat, mijara rêwîtiyê "çûn û hatinê" hîn diwartir bûye, herwiha berê gelek endamên hêzên ewlekariyê bi kêşeya mektûman bihîstibûn, lê niha tekez e ku gelek ji wan tiştêkî li ser vê mijarê nizanin, û niha hevîna min nexweşe, lê ez ditirsim ku wê ji bo dermankirinê bibim Şamê, ji ber serêşiyên belgeyên pênasînê, û nekarîna razana li xewxaneyan "hotêlan", a ku bêyî bidestxistina pejirandinê ji rêveberiya liqê xewxaneyan, em jê bêparin".

Bi dest Hesên neket ku rojekê bi her heft zarokên xwe şad bibe û wan di rewşeke civakî baş de bibîne, ji ber ku wan ji encama rewşa xwe a yasayî xwendin berdewan nekirin, û hinek ji wan negihîştin qonaxa amadeyî û pola bekeloriya jî, ku Hesên di vê barê de got:

"Ji ber ku em mektûmin, em herdem bi kêmbûnê pêhest dibin, ku carekê ji caran dema ez neçar bûm ku biçim Şamê, ez ji aliyê hêzên ewlekariyê ve hatim sekinandin, û pelikên min yê fermî xwestin, lê dema ku min pelika xwe a sor ji wan re derxist, ew matmayî man û pirsîn bê ka wateya mektûm çi ye, ji ber ku ji bilî li Sûriyê tiştek navê wî mektûm tune ye, û li welatne din wekî nimûne, nasnametî bo kesên ku wê dixwazin piştî çend salekê tê dan, lê li Sûriyê hin malbatên mektûman hene ku rewşa wan a aborî başe, û ew amade ne ku bi melyonan peran bidin, da ku bidin xwedî nasnametî, lê ev yek bidest wan neket".

سوريون
من أجل
الحقيقة
والعدالة
Syrians
For Truth
& Justice



Derbarê rêxistina Sûriyên Ji Bo Rasteqînî û Dadmendiye:

Ew rêxistineke Sûrî ye, ku serbixwe, nedesthilatdar, û ne fêdekare. Endamên wê ji herdu zayendan Sûrî ne, ku tev cihêrengbûna bawerî û pêkhatiyên wan, berevaniyê di ber mafên mirov de dikin, herwiha di nav tîmê wê yê damezirêner de, kesne akadîmîsyen ji welat û regeznameyên dîtir ve jî hene.

Rêxistin ji bo Sûriyeke demokrat kar dike, ku tevahiya hemwelatîyên wê ji herdu zayendan, di siya dadmendiye, û wekheviya mafên mirov de, bi rûmet bijîn.

🌐 www.stj-sy.com

📘 [syriaSTJ](https://www.facebook.com/syriaSTJ)

🐦 [@STJ_SyriaArabic](https://twitter.com/STJ_SyriaArabic)

📷 [Syrians for Truth & Justice](https://www.instagram.com/SyriansforTruthandJustice)

✉ editor@stj-sy.org